

漢

書

疏

證

漢書疏證卷一

吳沈欽韓撰

高祖紀第一

顏師古注

漢以來傳五經諸子如毛鄭薛漢馬融趙岐何休高誘等曰傳曰注曰學曰章句皆以博

聞多見爾雅故通古今不假哀集獨揭名氏自爲一家後此何晏於論語杜預於左氏傳范甯於穀梁傳薛瓚於史記漢書雖極研究義既奧衍新學小生不能獨了於高挹羣言勝於穿鑿私智然不敢自專故曰集解集注至杜預獨沒姓名使故今莫別猶爲攘善今顏師古亦標專注而天文地理非孟康臣瓚無以發明典章方俗非應劭如淳不能宣究故律麻天文翼奉京房諸篇通無一語齊梁以降陸澄蕭該姚察等皆專門大師泊顏氏父祖之講習悉沒其名氏而掄有之非司馬貞張守節等發之幾無由知其乾沒矣宋祁謂師古未見蕭該音義豈知彼於已布行者不能全覆猶稍竄名以李善文選注考之如服虔韋昭張揖諸家今漢書率爲

師古其近者則懷郭象何法盛之智已恣瀆獵偶存遺
脫耳夫崇臺非一榦珍裘不一腋旣藉衆賢乃標絕智
以質古人能不愧
開卷成疾此當首難

豐邑中陽里人

太平寰宇記古宅在徐州豐縣城內卽高祖故宅也一

統志豐縣故城卽今豐縣治

母媪

趙策左師觸龍見趙太后稱媪此臣稱其君母廣雅媪

祖母也

曹憲云按字書卽媪字按淮南書稱母曰社社與姐音同

史不得其姓氏故

復尊以媪

嘗息大澤之陂

寰宇記大澤在豐縣北六里

已而有娠

御覽

八

春秋合誠圖曰堯母慶都出觀三河之首有赤

龍負圖出署曰赤帝起天下奄然陰風雨赤龍與慶都合婚有娠也然帝侂旣是聖帝聖人生聖子何爲遠假異類以著神靈讖緯之書大抵妖妄而漢人公然以汚簡牘如熹平四年帝堯碑云慶都與赤龍交而生伊堯成陽靈臺碑云游觀河濱赤龍交始生堯欲以神堯反爲侮聖又按班彪王命論云劉媪任高祖而夢與神遇神者卽高祖也考釋典新婆沙論云健達縛

卽入胎之神識

如食香神虛空無爾時二心展轉見前入母胎藏修行身故中有名之

道地經云應來生者父母精合便入胞胎又問菩薩中

有何名中有以居死何處入胎答從右脅入輪土獨覺有後在生有前

入胎位從生門入然如上說則母之胞胎已有神識來

依惟異人降生則有咸遇佛本行經摩耶夫人於睡眠中夢見有一六牙白象乘空

而下入於右脅堯於高祖所感正此類耳若先未有身而爲怪物所憑以汚族姓德同房后豈帝王之應運者乎

龍顏

韋昭齊語注云顏眉目之閒果堂先生欽韓再從伯祖諱彤釋骨

云橫在髮際前者曰額顙亦曰額額之中曰額曰庭眉

目閒亦通曰顏

爲泗上亭長

寰宇記泗水亭在徐州沛縣東南一里高祖昔爲亭長
今有廟

注 鯛陽音紂

按鯛音紂紅反爾雅釋文鯛音童又逐拱反孟康本音
傳寫者脫去紅反二字後來刻玉篇廣韻者遂訛出直
柳一音趙一清已辨之

單父人

一統志單父故城在曹州府單縣南一里

主進

說文賚會禮也此作進者列子黃帝篇竭智明進智力
劉向校云字誤以盡爲進古賚亦作盡聲同通爲進耳
釋詁蓋進也

令諸大夫

諸大夫謂官大夫以上也高祖詔書有云秦民爵公大
夫以上令丞與抗禮古亦有鄉大夫豈得泛然總稱客
乎

呂公大驚起迎之門

此必呂公素重高祖之名豈爲萬錢驚起哉

告歸之田

孟康云成帝時二千石賜告不得歸家此見馮野王傳
和帝時予告賜告皆絕按後書循吏傳光武詔衛颯以
桂陽太守歸家居二歲載病詣闕此太守得帶印綬歸
家也隸釋孔耽碑云郡將烏程沈府君表病委職署君
行事按劉昭引古今注建武六年三月令郡太守諸侯
相病丞長史行事與碑文合碑立靈帝光和時雖不得
歸家亦得謝事在郡養病也然亭長等自有旬假之制
不得與郡守病告同也

以竹皮爲冠

續漢志劉氏冠民謂之鵲尾冠非也晉志後除竹用漆
纒

求盜

方言楚東海之閒亭父謂之亭公卒謂之弩父或謂之

褚郭云言衣赤也廣雅亭父更褚卒也按方言似以亭父爲亭長褚少孫田仁傳任安

代人爲求盜亭父

送徒驪山

一統志驪山在西安府臨潼縣東南縣志山在縣南里

許綿互而東五十餘里

解縱所送徒

西京雜記高祖將與故人訣去徒卒贈高祖酒二壺鹿
肚牛肝各一高祖與樂從者飲酒食肉而去後卽帝位
朝晡尙食常具此二炙竝酒二壺

拔劍斬蛇

三輔黃圖太上皇微時佩一刀長三尺上有銘字難識
傳云殷高宗伐鬼方時所出也上皇遊豐沛山中寓居
窮谷有人冶鑄上皇息其旁問曰鑄何器工者笑曰爲

天子鑄劍慎勿言得公佩劍雜而冶之

拾遺記作佩刀此誤卽成

神器可克定天下上皇解匕首投鑪中

拾遺記俄而煙焰衝天日爲之

晝晦劍成上皇以賜高祖高祖佩之斬白蛇是也及定天

下藏於寶庫守藏者見白氣如雲出戶狀若龍蛇惠帝

即位以前庫貯禁兵器名曰靈金內府

西京雜記劍上有七采珠九華

玉以爲飾雜廁五色流離爲劍匣劍在匣中光景照於外與挺劍不殊開囊拔鞘輒有光采風氣射人宋

書百官志東京法駕出侍中負傳國璽操斬白蛇劍參

乘晉書輿服志晉惠帝時武庫火燒之

欲苦之

呂覽疑似篇梁北黎邱邑丈人有之市而醉歸者黎邱之鬼效其子之狀扶而道苦之與此義同作笞者非

東南有天子氣

劉昭郡國志注干寶搜神記曰秦始皇東巡望氣者云

五百年後江東有天子氣始皇至令囚徒十萬人掘汙其地表以惡名改醉李曰由拳縣元和郡縣志潤州丹徒縣秦以其地有王氣始皇遣赭衣徒三千人鑿破長隴故曰丹徒

陳涉起蕘

一統志蕘縣故城在鳳陽府宿州南元併入宿州今有

蕘縣集

鼗鼓

周禮太祝隋鼗逆牲鄭云隋鼗謂薦血也凡血祭曰鼗疏云賈氏云鼗鼗宗廟馬氏云血以塗鐘鼓鄭不從而以爲薦血祭祀者下文云既祭令徹則此上下皆是祭

記之事何得於中輒有釁廟塗鼓直稱釁何得兼言是
隋故爲祭祀薦血解之按此故說文亦曰釁血祭也是
釁廟塗鐘鼓祭器與薦血之釁各別也臣瓚說是應劭
於此解釁爲祭義不切也應劭云釁呼者呼與罇同韻
會罇集韻或作呼易解彖百果草木皆甲坼鄭注坼呼
也陸德明釋文呼火訝切按鄭本作甲坼趙岐孟子注
新鐘殺牲以血塗其釁卻此與應劭義同也嚙人注釁
讀爲微疏云微爲飾治之義亦塗治其釁鄰耳師古兩
駁俱謬

魏咎自立爲魏王

按魏咎爲周市所立呂東謂周市虛位以待咎者四月

史記月表謂魏王咎在陳不得歸國十二月陳勝死乃自陳歸立與此所次先後異

攻胡陵方輿

顧祖禹方輿紀要湖陵城在徐州沛縣北五十里與山東魚臺縣接界方輿城在兗州府魚臺縣城北唐改爲魚臺縣志云城北舊有小城卽故方輿縣治

引兵之薛

方輿紀要薛城在兗州府滕縣南四十里

走至戚

方輿紀要戚城在滕縣西南五十里

沛公左司馬得殺之

史記索隱曰師古云得司馬之名非也後云左司馬曹無傷自此以下更不見替易處按此言左司馬獲得之不敢定是曹毋傷

還軍亢父

一統志亢父故城在濟甯州南五十里

在留

方輿紀要留城在沛縣東南五十里

屠相

一統志相縣故城在鳳陽府宿州西北括地志在符離

縣北九十里

至碭

一統志故碭縣蓋卽今徐州府碭山縣南之保安鎮

攻下邑

一統志下邑故城在碭山縣東

於臨濟

一統志臨濟故城在青州府高苑縣西北

至城陽

城當爲成一統志成陽故城在曹州府濮州東南

至雍邱

一統志雍邱故城今開封府杞縣治

章邯夜銜枚

賈公彥疏繡謂以組爲之繫著兩頭于項後結之

至陽城與杠里

史記作成陽爲是陽城在潁川西界非由礪所至地成

陽縣在濟陰郡今曹州府故下文攻破東郡尉於成武北攻

昌邑皆其旁近後自東郡向陳留至洛陽戰不利乃回

軍從轅轅至潁川之陽城耳水經注濟陰句陽縣有小

成陽都關縣有羊里亭疑此成陽杠里處方輿紀要杠

里在成陽西

於成武

今曹州府屬縣

遇剛武侯

史記正義括地志故剛城在兗州龔邱縣界方輿紀要
剛城在兗州府甯陽縣東北三十五里

至栗

方輿紀要栗城在歸德府夏邑縣東

北攻昌邑

方輿紀要昌邑城在兗州府金鄉縣西北四十里

里監門

何休公羊注

宣十五年

在邑曰里一里八十戶人家其一巷

中里爲校室選其耆老有高德者名曰父老其有辯護

伉健者爲里正田作之時春父老及里正旦開門坐塾

上晏出後時者不得出莫不持樵者不得入按此則監

門者主啟閉

墨子公輸篇墨子過宋天雨庇其閭中守閭者不納

當有卒主灑掃

後書范式傳

友人孔嵩監門非卒也

司徒里宰注云棚

備爲新野縣阿里街卒

者里宰治處苦今街彈之室監門者應在是矣史記秦二世曰監門之養不穀於此

會戰白馬

一統志白馬故城在衛輝府滑縣東二十里

又戰曲遇東

一統志在開封府中牟縣東

戰犇東

一統志犇縣故城在汝州魯山東南五十里

至丹水

一統志丹水故城在南陽府浙川縣西

還攻胡陽

一統志胡陽故城在南陽府唐縣南八十里

攻析鄆

一統志析縣故城在南陽府內鄉縣西北鄆縣城在縣

東北

距嶢關

宋敏求長安志藍田關在藍田縣東南九十八里卽秦嶢關也後周明帝武成元年徙青泥故城側改曰青泥關武帝建德三年改曰藍田關隋大業元年徙復舊所卽今關是嶢山在縣南二十里

踰黃山

長安志黃山在藍田縣東南二十五里

元年聚於東井

魏書高允傳允曰按星傳金水二星常附日而行冬十一月日在尾箕昏沒於申南而東井方出於寅北二星

何因背日而行史官欲神其事不復推之於理按張耳
爲陳餘所敗甘公曰漢王之入關五星聚東井張耳因
此歸漢甘公星家之祖當時已有此言非史官神其事
且金水二星雖云附日亦有逆伏之差若云決無背日
則孝景元年正月癸酉金水不當合於婺女也唐書麻
志大衍麻議曰五星聚東井從歲星也宋書天文志星
傳曰四星若合是謂太陽其國兵喪並起君子憂小人
流五星若合是謂易行有德受慶故立王者奄有四方
無德受罰離其國家滅其宗廟今按遺文所存五星聚
者有三周漢以王齊以霸周將伐殷五星聚房齊桓將
霸五星聚箕與此五星聚東

井齊則永終侯伯卒無更紀之事是五星聚亦有不易

行者矣

御覽五春秋元命苞云殷紂之時五星聚房房者蒼星之精周據而興

係頸以組

楚策蔡聖侯不以國家爲事子發受命乎宣王繫以朱絲而見之自後獻俘者皆如此五代史劉守光傳晉王至太原劉仁恭父子曳以組練獻於太廟是也師古以爲璽綬謬

封秦重寶財物府庫

西京雜記高祖初入咸陽宮周行府庫金玉珍寶不可稱言其尤珍異者有青玉五枝鏡高七尺五寸作蟠螭

以口銜鐙然則鱗甲皆動復鑄銅人十二人坐皆高三尺列在一筵上琴筑笙竽各有所執皆綴花采儼若生人筵下有二銅管上口高數尺出筵後其一管空一管內有繩大如指使一人吹管一人紐繩則眾樂皆作有琴長六尺安十三絃二十六徽銘曰璠璣之樂玉管長二尺三寸二十六孔吹之則見車馬山林隱轡相次吹息亦不復見銘曰昭華之瑄有方鏡廣四尺高五尺九寸表裏有明人照之則見腸胃五藏歷然無核人有疾病在內掩心而照之則知病之所在又女子有邪心則膽張心動秦始皇以照宮人膽張心動者殺之高祖

悉封閉以待項羽羽併將以東後不知所在

傷人及盜抵罪

管子小問篇寡人之抵罪也久矣注抵當也

或說沛公曰

索隱楚漢春秋云解先生而張良世家云鯁生鯁小也

卽解生

皆爲龍成五色

隋書天文志天子氣內赤外黃又敵上氣如龍馬鬱鬱

衝天者此帝王之氣不可擊

趙絕書子胥相氣法曰軍上有氣五色相連與天相

抵此天應不可
攻之無後

公巨能入乎

服虔音渠此古義也荀子修身篇渠渠然注渠讀爲遽

渠遽古字通張儀傳蘇君在儀甯渠能乎注渠音詎列子黃

帝篇范氏之黨以爲偶然未詎怪也楚策臣以爲王鉅

速忘矣是渠巨詎鉅字通師古俗儒乃解爲豈

有意督過之

趙策張儀爲秦連橫說趙王曰惟大王有意督過之也

王梁楚地九郡

錢氏大昕曰羽旣以長沙奉義帝九江王英布衡山王

吳芮南郡王共敖而梁河內河東不在羽封域之內則

羽所有者於秦三十六郡中實得泗水碭薛會稽四郡而史稱九郡者據當時分置郡名數之也高帝六年以故東陽郡鄆郡吳郡五十三縣立荆王以碭郡薛郡鄆郡三十六縣立楚王然則九郡者泗水也東陽也東海

也

卽鄆郡

碭也薛也吳也會稽也東郡也鄆也灌嬰傳度

江破吳郡長吳下遂定吳豫章會稽郡

豫章當作鄆

吳王濞

傳上患吳會稽輕悍是會稽之外更有吳矣水經注廣陵城楚漢之間爲東陽郡是有東陽郡矣按吳未嘗分爲郡會稽治吳卽郡治名之東郡亦不屬楚錢說稍牽合姑備一說耳

都廢邱

寰宇記犬邱一名槐里城在雍州興平縣東南十里

都櫟陽

西安府志漢櫟陽縣城在臨潼縣東北七十里

都高奴

元和郡縣志鄜州爲上郡雕陰縣地延州爲上郡高奴縣地今州理卽高奴城明統志高奴故城在延安府城東五里師古云在鄜州界非也

都朝歌

一統志朝歌故城在衛輝府淇縣東北

都六

一統志六縣故城在六安州北

都邾

一統志邾縣故城今黃州府黃岡縣治

都平陽

一統志平陽故城在平陽府臨汾縣西南

從杜南入蝕中

元和志駱谷路在今洋州西北二十里州至谷四百二十里晉司馬勳出駱谷破趙戍壁於懸鉤去長安二百里按駱谷在長安西南口曰儻谷北口曰駱谷此則入

漢之道索隱云王劭按說文作蝕器名地形如器故名
之按此則字當從金說文蝕枱屬也从金蟲省聲徒冬
反玉篇蝕鉏大兒廣雅鈴鏞謂
之鏞曹憲音彤蓋卽蝕字司馬勳壁懸鉤者或其
地與方輿紀要子午谷或曰卽古蝕中非

亦視項羽無東意

毛詩三禮通作視字鄭云視古示字不獨漢書爲然

五月漢王引兵

史記作八月按漢王以四月就國決策東向部署將帥
非一月所能辦云八月者是

從故道

方輿紀要故道城卽今鳳縣治在漢中府西北三百八十里北至鳳翔府二百六十里一統志故道故城在漢中府鳳縣西北

擊漢陳倉

一統志陳倉故城在鳳翔府寶雞縣東

戰好時

一統志好時故城在乾州東北

距之陽夏

一統志陽夏故城今陳州府太康縣治

二年
有修行

續漢志河南尹注循行二百三十人修循字易滄隸釋
北海相景君碑陰亦作循行

縣三老

倉頡碑陰衙縣三老上官鳳衙鄉三老時勤此有縣三
老鄉三老之證也又有郡三老國三老王國見袁良碑
及後書王景傳

得劫五諸侯兵

董敦增曰此處五諸侯有河南韓殷魏等而項籍傳贊
云遂將五諸侯滅秦又係何人尋其條貫當據故七國
以其地言不以其王言也漢定三秦即故秦地項羽王

楚卽故楚地其餘韓魏趙燕齊爲五諸侯劫五諸侯兵
猶言引天下兵耳故漢伐楚楚滅秦並可言五諸侯也
按楚滅秦除項羽本楚自可云五國如董說漢劫五諸
侯兵時燕齊趙未嘗以兵付漢也當從韋昭說

到外黃

一統志外黃故城在開封府杞縣東

大戰彭城靈壁東

史記云追至靈壁爲是一統志靈壁城在宿州西北元
和志靈壁故城在宿州離符縣東北九十里蓋其時當
在蕭縣界不得與彭城相連晉書豫州刺史劉喬遣其

子祐拒東海王越於蕭縣之靈壁

睢水上

一統志睢水自河南歸德府永城縣東南流入經宿州北與徐州府蕭縣接界又東流經靈壁縣六十里又東入睢甯縣界

魏王豹反爲楚

史記月表與此同帝紀次在三年非也蓋楚破漢豹歸國卽從楚漢以九月虜豹至三年十月韓信已東下井
徑擊趙

三年
黃屋左纛

宋史輿服志王輅自唐顯慶中傳之至宋其制箱上置平盤黃屋又儀衛志阜纛本後魏纛頭之制唐衛尉器用纛居其一六典注云漢書有纛頭每天子行幸及大軍征伐則建於旗上也蓋旄頭

之遺象制同旗無文采去銳首六脚後志云今制阜邊

阜旂旂爲火焰之形每一人持一人拓之陳於鹵簿左

右各六按續漢志云左纛以旄牛尾爲之則唐宋所施

之纛出於虜俗如突厥狼頭纛非漢左纛也又按說文翳翳所

以舞也詩曰左執翳徐鍇云今俗作翹詩釋文翳徒報

反俗作纛爾雅復云纛又作翳然字本从羽爲翳故李

斐解此云毛羽幢漢以旄牛尾亦非古之羽翳也

出滎陽至成皋

一統志成皋故城在開封府汜水縣西北鄭制邑亦名
虎牢

出成皋玉門北渡河

水經注河水南對玉門方輿紀要玉門成皋西門也宋
時西關門亦曰玉關張彙云北門誤

宿小修武

一統志小修武聚在衛輝府獲嘉縣境修武故城今獲
嘉縣治

四年
渡兵汜水

水經注汜水北逕虎牢城東又北流注於河左傳有東汜水南汜水僖二十四年王處於汜杜預云南汜也僖三十年秦軍汜南杜云此東汜也按東汜卽今汜水縣南汜許州襄城縣也

元和志襄王出居此因名襄城

軍廣武

史記秦本紀昭王四十三年攻韓汾陘拔之因城河上廣武水經注濟水過西廣武東廣武城北夾城之間有絕澗斷山謂之廣武澗元和志鄭州滎澤縣東廣武西廣武二城各在一山頭相去二百餘步

封侯公爲平國君

文選注

七十

楚漢春秋曰上欲封侯公匿不肯復見曰

此天下之辯士所居傾國故號平國君

通雅葉少蘊云金鄉長侯君碑

云公諱成字伯盛防人諱安國君曾孫黼封明統侯此漢所不詳者

年五
至固陵

按改名固始乃寢邱非固陵也上云漢王追項羽至陽
夏南則固陵在陽夏矣彪續志陽夏有固陵聚元和志
在陳州宛邱縣西北四十三里

屠城父

一統志城父故城在潁州府亳州東南元和縣志西北
至州七十九里明初廢今名城父村

國羽垓下

元和志垓下聚在宿州虹縣西南五十四里舊志在鳳陽府靈壁縣東南陰陵山之南

四面皆楚歌

周殷劉賈悉發楚地兵隨漢故皆楚歌宋書樂志舊歌

相和曲有雞鳴高樹巔

索隱引顏遊秦語與師古此注同

斬羽東城

方輿紀要東城在鳳陽府定遠縣東南五十里

稷嗣君

詞齊稷下之風猶襲敬號奉春君凡稱君者皆無封地

孟康說非

汜水之陽

一統志汜水在曹州府曹縣北四十里與定陶縣分界
謂之番君

寰宇記饒州鄱陽縣史記楚昭王時吳伐楚取番是也
郡城卽吳芮爲番君所築

置酒雒陽南宮

大事記輿地志云秦時已有南北宮更始自雒而西馬
奔觸北宮鐵柱門光武幸南宮卽非殿蓋秦雖都關中
猶放周東都之制

高起王陵對曰

錢大昭云魏相傳述高帝詔長樂宮者但有將軍臣陵無臣起漢紀亦無高起二字疑衍

七月燕王臧荼反

月表與此同在七月史於帝紀訛爲十月方回古今考云漢表誤爲四年按荀悅漢紀又在此年八月

治長樂宮

三輔黃圖長樂宮本秦之興樂宮高皇帝始居櫟陽七年長樂宮成徙居長安城三輔舊事宮殿疏皆曰興樂宮秦始皇造漢修飾之周回二十里

宋敏求長安志關中記曰秦始皇長

樂宮有魚池
臺酒池臺

前殿東西四十九丈七尺兩好中

序同玉海亭

三十五丈深十二丈長樂宮有鴻臺有臨華殿温室殿
有長信長秋永壽永甯四殿高帝後太后常居之

六年

田肯賀上

顏之推家訓

書

江南本皆作宵字沛國劉臻答梁元帝

曰臣家藏舊本以雌黃改宵字爲肯吾至江北見本爲

肯

建領水也

管子度地篇飯之尺有十分之三里滿四十九者水可

走也

注每飯而有十尺卽長一丈也分之於三里開之每里滿此九如此則水可走上矣

按領飯

甌也詩傳錢令適也屋檐滴水者以板爲之如消以爲瓶非也

以碭郡薛郡鄒郡三十六縣立弟文信君交爲楚王

錢大昕曰地理志梁國故秦碭郡高帝五年爲梁國梁爲彭越所封楚元不能得之當從傳王薛郡東海彭城三十六縣爲是

濟北博陽

異姓王表濟北王田安都博陽一統志泰山郡博縣亦曰博陽改爲泰山郡博縣故城在泰安府東南

太公家令

按此則太公有湯沐邑也故置家令漢太子公主並有
家令列侯有家丞唐六典家丞凡莊宅田園必審其頃
畝分其疆界置於籍書若租稅隨其良瘠而爲收斂之
數以時入之則家令丞掌食邑也

太公擁彗

史記鄒衍如燕昭王擁彗先驅按管子弟子職振衽埽
席此謂拂席致敬也

七年
於銅鞮

明史地理志山西沁州春秋晉銅鞮地一統志故城在
州南

曼邱臣

廣韻卍字注漢複姓四十四氏孟子齊有曼卍不擇別有卍卍儉非一姓也

至樓煩

一統志古樓煩國及漢樓煩縣俱在今代州雁門關北
晉徙於崞縣東

遂至平城

方輿紀要平城廢縣在大同府東五里晉隆安二年拓
拔珪自盛樂徙都平城謂之代都

代王喜奔國

史記在八年表又錯在九年

耐以上請之

按應劭如滄說皆古義師古兩不得其讀說文而頰毛也象毛之形又耐罪不至髡也奴代切或作耐從寸應

劭說與說文同則正宜音乃代反若依如滄說則讀爲

能鄭禮運注云耐古能字疏云後來能字仍假隨三足

之能爲能

釋文能如字又奴代反按又音非也

亦有誤不安寸直作而字

則易屯卦云利建侯而不甯

釋文鄭讀而曰能能猶安也

及劉向說

苑能字皆爲而

按荀子修身篇累土而而不輟邱山崇成下而字即能墨子尚同古者聖王惟

而審以

又鄭樂記注耐古能字後世變之此獨存焉古

以能爲三台字此如瀆之所本也然古耐爲能世已不行轉讀能爲耐以協文義如趙充國傳漢馬不能冬此則以古之耐罪而爲能之別義俗訓耳

立東闕北闕前殿

西京雜記蕭相國營未央宮因龍首山製前殿建北闕

未央宮周迴二十二里

黃圖二里十八里

九十五步五尺街道周

迴七十里

黃圖前殿東西五十五丈深十五丈高三十五丈

臺殿四十三其三

二在外其十一在後宮池十三山六池一山一亦在後

宮門闕凡九十五按黃圖未央宮四面皆有公車司馬門王莽曰王路四門師古謂公車司馬惟在北闕者謬

新序二無鹽女詣齊宣王頓首司馬門此似
列國已有其制或漢人所說參雜時制也
八年於東垣

一統志東垣故城在真定府真定縣南

曰柏人

一統志柏人故城在順德府唐山縣西元和志邢州堯
山縣本曰柏人後魏改人爲仁天寶元年改故城在縣
西北十二里金世宗改名唐山

長吏視葬

長吏謂丞尉也

上奉玉卮

韓非子外儲右今有千金之玉卮而無當不可以盛水

則卮是注器有當者也考工記觚三升注觚當爲解疏

云爵制此下所引是許慎異義今韓詩說一升曰爵二升曰觚三

升曰觶四升曰角五升曰散古周禮說同按周禮一獻

三酬當一豆斗同卽觶二升不滿豆矣鄭駁云觶字角旁

著氏汝穎之閒師讀所作今禮角旁單古書或作角旁

氏說文觶鄉飲酒解或從辰禮經觶角旁氏則與觶字相近學者多聞

觶寡聞觶寫此書亂之而作觶耳按金石錄云大觀中

爵及觶二器如觶量之適容三爵與考工記合也然此趙氏不辨觶而妄說又燕禮升媵觶

於公注言觶者字之誤也古者觶字或作角旁氏由此

誤爾然解觥字雖異皆三升酒器應劭云受四升者誤也與說文同卮與觥音義各別說文卮圓器一名觥所以節飲食象人節在其下也莊子釋文卮酒圓器也又王云夫卮器滿卽傾空則仰應物而變非執一守故者也按此又以卮爲斝器與說文義合項羽賜樊噲卮酒明於三升禮器自別而云卮作觥未之聞也

常以臣亡賴

孟子富歲子弟多賴趙岐注賴善也廣雅釋詁同疏證云衛策云爲魏則善爲秦則不賴矣亡賴猶云亡善也方言中央亡噓尿姑媮也江湘之間謂之亡賴按張湛注列子引方言亦作江淮與此注同

懷氏

廣韻懷又姓吳志顧雍傳有尙書郎懷敘據史記亦楚

族

十年

夏五月太上皇后崩秋七月太上皇崩

荀紀作太上皇崩秋七月癸卯太上皇葬於萬年按此
衍一后字於下衍一崩字耳史記直作七月太上皇崩

櫟陽宮如淳李奇皆據史記故以是八字爲長文

注引史記

又衍一葬字李奇後
母一說亦可備考

葬萬年

元和志帝既葬太上皇於櫟陽之萬年後遂分櫟陽置
萬年縣以爲陵邑理櫟陽縣城中故櫟陽城亦名萬年

城按黃圖高帝葬太上皇於櫟陽北原因置萬年縣於櫟陽大城南以爲奉陵邑其後在東者爲太上皇西者昭靈后按晉灼引漢儀注先媼葬陳留小黃據韋玄成傳太上皇居陵旁立廟而昭靈后等各有寢園後漢書虞延傳光武東巡過小黃高帝母昭靈后園陵在焉則

高祖母不同葬萬年明矣

劉昭引漢舊儀與晉灼同水經注濟水東逕小黃縣故城

北沛公起兵野戰喪皇妣於黃鄉天下平定乃以梓宮招魂幽野於是丹蛇自水濯洗入於梓宮其浴處有遺髮因作寢甯神黃圖復云昭靈后在萬年則李奇後母之說有

因也又據西京雜記太上皇徙長安居深宮悽愴不樂高祖竊因左右問其故以平生所好皆屠販少年酤酒

賣餅鬪雞蹴鞠以此爲歡今皆無此是以不樂高祖乃作豐移諸故人實之太上皇乃悅故新豐多無賴無衣冠子弟高祖旣作新豐并移枌榆舊社衢巷棟宇物色惟舊士女老幼相攜路首各知其室放牛羊犬雞於通塗亦競識其家匠人胡寬所營也然太上皇當居新豐而史記云崩櫟陽宮則新豐或其時出遊觀處得孫叔封之樂鄉

元和志定州新樂縣漢新市縣之地新樂漢成帝時中山孝山母馮昭儀隨王就國建宮於樂里在西鄉呼爲西樂城時人語訛呼爲新樂是樂鄉在新樂縣也一統

志樂鄉故城在深州東南三十里又云在保定府清苑縣東南樂毅所封在此

年十一
軍曲逆

一統志曲逆故城在保定府完縣東南

攻聊城

一統志聊城故城在東昌府聊城縣西北十五里

至馬邑

一統志馬邑故城今朔平府朔州治

於參合

一統志參合故城在大同府陽高縣東北

常以十月朝獻

續禮儀志正月朔歲首爲大朝受賀贊公侯璧中二千

二千石羔千石六百石雁四百石以下雉其每朔惟十

月旦從故事者高帝定秦之月元年歲首也

晉志漢武帝雖改用

夏正至於十月朔猶帝饗會如元正之儀魏晉則冬至日受方國及百僚稱賀因小獻宋志永初元年停慶冬

褚少孫梁世家補云諸侯王朝見天子漢法凡當四見

耳始到入小見到正月朔且奉皮薦璧玉賀正月法見

按武帝太初以前卽此紀後三日爲王置酒賜金錢財物後二日復

入小見辭去凡留長安不過二十日小見者燕見於禁

門內飲於省中非士人所得入也

率人歲六十三錢

按民賦百二十爲一算此歲取六十三錢未詳卽在算內若算外

人主不交故也

易泰象上下交而其志同也此詔蓋儒生爲之

御史大夫下相國相國下諸侯王

按是時未有尙書則凡詔令御史起草付外施行御史大夫爲長故經由下相國也史記三王世家大司馬霍去病請立皇子爲王備載其品式與此正同相國下諸侯王者時諸侯王國皆自置二千石非漢官故直使諸

侯王知之

遣詣相國府

後此上計秀孝皆集丞相府東京猶集司徒府皆其故事古文苑董仲舒奏記公孫宏云願君侯大開蕭相國求賢之路廣選舉之門則此詔實蕭相國所贊成後丞相公孫宏開東閣以延賢人薛宣語朱雲且留東閣以觀四方奇士

署行義年

劉貢父讀曰儀非也蓋署其行義與年之高下而任使之昭宣世令郡國舉有行義者王元長曲水詩序作署行議年彼取

與興廉舉孝屬對非漢詔本文

癘病勿遣

素問宣明五氣論膀胱不利爲癘又奇病論注癘小便
不得也

頗益淮陽

錢云謂分東郡潁川之支縣以益二國非廢此二郡也

十二年 布軍洮水南北

方輿紀要或以爲南直溧陽縣之洮河也

在溧陽縣北二十里又

得勝河在泗州天長縣北七里上有破城城下爲破城
渡相傳漢敗淮南王英布引兵渡此因名循英布敗走

自淮而江自江而入彭蠡湖死於鄱陽則洮水當在江
南別有洮水在桂林府全州北五十里者非此洮水也
胡三省誤指彼當之若然布已越江湘而入南越胡爲
死於鄱陽乎

於當城

一統志當城故城在宣化府蔚縣北

汝狀有反相

齊策齊兒辨謂靖郭君曰太子相不仁過頤豕視若是

者信反

呂覽知士篇作過頤豕視高誘謂不仁之人劉辰翁曰過頤卽俗所謂耳後見腮豕視卽相法

下邪偷視孔叢執節篇子順曰聞諸孫卿長目而豕視者必

體方而心圓每以其法相人千百不失

女子公主

晉語優施謂里克妻曰主孟章昭曰大夫之妻稱主按公卽君之稱帝女食邑卽是封君故稱公主同姓主婚爲公主春秋之制以概秦漢真俗儒說也吳起傳公叔爲相尙魏公主李斯傳諸男皆尙秦公主劉貢父曰公主之稱本出秦舊男爲公子女爲公主是也按自重臣之親以下並說諸侯王國中事言其用事重臣得封侯所生女子皆號公主與天子制同優之也

扁鵲何益

注 魏桓時醫也

韋昭以爲魏桓據史記作齊桓侯裴駟云田和之子桓
公午也韓非喻老篇作蔡桓侯鶡冠子世賢篇作魏文
王皆傳記之訛

此後亦非乃所知也

雜記祝稱卜葬虞夫曰乃乃者本夫對妻之辭

帝崩於長樂宮

通典漢舊儀曰高帝崩三日小斂室中牖下作栗木主
長八寸前方後圓圍一尺置牖中望外內張綿絮以鄣
外以皓木大如指長三尺四枚纏以皓皮按皓木皓皮未詳置
牖中主居其中央七日大斂棺以黍飯羊舌祭之牖中

已葬收木主爲木函藏廟太室中西牆壁塚中

注 壽五十三

史記注皇甫謐曰高祖以秦昭王五十一年生至漢十二年六月十三

五月丙寅

宋文鑑唐意高廟碑陰記云以麻推之以法除之算外至高帝十二年日五月朔己酉十七日乙丑則丙寅葬日乃十八日也

葬長陵

黃圖在渭水北去長安城三十五里長陵山東西廣一

百二十步高十三丈長陵城周七里百八十步因爲殿垣門四出及便殿掖廷諸官寺在中

高祖不修文學

古文苑高祖手敕太子云吾遭亂世當秦禁學自喜謂讀書無益洎踐祚以來時方省書乃使人知作者之意追思昔所行多不是又云吾生不學書此謂書字但讀書問字而遂知耳以此故不大工然亦足自辭解今視汝書猶不如吾汝可勤學習每上疏宜自書勿使人也

遷大梁都於豐

此謂劉之先自大梁徙居於豐也穀梁僖十六年傳民

所聚曰都師古謂惠王自安邑徙大梁則上下文全不通

惠帝紀弟二

賜民爵一級

此賜民爵之始趙策趙勝受地請吏皆益爵二級民能相集者賜家六金是初但賜民金也

尙食

漢舊儀太官尙食用黃金鈿器按尙食亦宦官也

執楯執戟

兩者亦郎也滑稽傳優旃呼陞楯郎東方朔曰位不過

執戟六典十二衛別有司戈執戟並五日上十日下凡

宿衛內廊間門外分爲五仗

一曰供奉仗二曰親仗三曰勳仗四曰翊仗五日散

仗冊府元龜

六百五十

崔圓開元中以鈐謀授策甲科授執

戟宋史儀衛志黃麾大仗左右廂各二部部十二行第

一行黃雞四角斿

凡斿皆持以龍頭竿

第二儀鎧五色幡第三青

孔雀五角斿第四烏戟第五緋鳳大角斿第六細弓矢

第七白鵝四角斿第八朱騰絡盾刀第九阜鵝六角斿

第十細弓矢第十一稍第十二綠騰絡盾刀

隋書禮儀志齊左右

羽林郎十二隊有捕鍛隊雄戟隊

有罪當盜械

海內經北海之內有反縛盜械帶戈常倍之名曰相顧

之尸師古誤引貳負相柳海內西經貳負之臣海外北經共工之臣相柳氏大荒北

經相繇並無之廣雅盜竊也竊著也義相生盜械亦著械耳

皆頌繫

唐律疏議獄官令禁囚死罪枷杻婦人及流以下去杻

其杖罪散禁又條應議請減者犯流以上若除免官當

並鎖禁此頌繫即散禁非謂不入狴牢如消解非

皆耐為鬼薪白粲

城旦舂本當髡鉗今皆完男鬼薪女白粲也漢舊儀凡

有罪男髡鉗為城旦女為舂戚夫人髡鉗令舂是女當舂者髡鉗也猶宋配牢城

必皆作五歲完四歲此謂不髡鉗者作四歲鬼薪三歲男鬼薪女

白粲皆作三歲罪爲司寇司寇男備守女爲作如司寇

皆作二歲男爲戍罰作女爲復作皆一歲此五歲刑至一歲刑之次

也司圜職掌收教罷民任之以事鄭司農云若今時罰作矣按此所謂弛刑徒也後

周改爲五等徒自一年至五年唐因隋制徒刑五有一

年一年半二年二年半三年王元亮名例表金秦和律徒刑七加四年五年

皆完之

司刺注今律令年未滿八歲八十以上非手殺人他皆
不坐隋刑法志梁令耐罪囚八十以上十歲以下及孕
者盲者侏儒當械繫者並頌繫之唐斷獄律年七十以

上十五以下及廢疾並不合考訊

元年得買爵三十級

應劭云一級直錢二千凡六萬按武功爵一級至直十七萬與此貴賤懸絕矣

二年獻城陽郡

漢城陽郡治莒今沂州府之莒州

尊公主爲太后

新序奏獻十城爲魯元公主湯沐邑無尊太后事荀悅紀但云齊內史令王獻城陽郡以尊魯元公主爲湯沐邑原其故公主但食縣邑今乃食郡位比諸侯王張敖

嘗爲趙王王已廢不可獨爲王后故因其子而名之師

古說無理

三年
城長安

黃圖城高三丈五尺下闊一丈五尺五年九月城成雉

高三坂當爲版周回六十五里城南爲南斗形北爲北斗

形至今人呼漢京城爲斗城漢舊儀曰長安城中經緯各長三十二里十八步地九百七十二頃八街九陌三宮九府三廟十二門九市十六橋地皆黑壤今赤如火堅如石父老傳云盡繫龍首山土爲城水泉深二十餘丈池周繞廣三丈深二丈石橋各六丈與街相直

都廢災

黃圖都廢天子車馬所在

四年

鴻臺災

黃圖秦始皇二十七年築高四十丈上起觀宇帝嘗射
飛鴻於臺故號鴻臺

織室災

黃圖織室在未央宮又有東西織室織作文繡郊廟之
服

六年

起長安市

西都賦注漢宮闕疏云長安立九市其六市在道西三

市在道東黃圖云三市在醴泉坊

七年

西京雜記惠帝七年夏雷震南山大木數千株皆火然至末其下數十畝地草皆焦黃其後百許日家人就其閒得龍骨一具蛟骨一具

葬安陵

御覽

四百五十七

楚漢春秋曰惠帝崩呂太后欲爲高墳使

從未央宮而見之諸將諫不許東陽垂泣曰陛下見惠帝冢流涕不已是傷生也臣竊哀之太后乃止長安志安陵在咸陽縣東三十五里關中記曰徙關東倡優樂

人五千戶以爲陵邑善爲明戲故俗稱女啁陵也

高后紀第三

台子通四人爲王諸呂六人爲列侯

按史記高后元年太后欲王呂氏先立孝惠後宮子驪
等爲王侯

如下元年所述

風大臣立酈侯呂台爲呂王二年台

薨子嘉代立四年封呂頽臨光侯呂他俞侯呂更始贅
食侯呂忿呂成侯六年十月廢呂王嘉以台弟產爲呂
王七年徙爲梁王又呂祿爲趙王八年十月立台子通
爲燕王通弟莊爲東平侯其諸呂王侯始末如是此書
不案年次皆敘於元年之前疎矣其云語在外戚傳亦

復疎略

元年

初置孝弟力田二千石者一人

爲二千石者當各舉一人師古曰尊其秩非是

二年

幸得賜餐錢

唐於月俸之外諸司各有食料錢蓋肇於漢又有食利本錢充公廚常膳會要九十武德元年置公廩本錢以

諸州令史主之號捉錢令史所主纔五萬錢以下市肆販易月納息錢四千文滿歲授官貞元元年禮部尙書李齊運奏當司本錢至少廚食闕絕請準祕書省大理寺例取戶部闕職官錢二千貫文充本收利以助公廚

可之開成四年宰臣李珣奏堂廚食利錢一千五百貫
文供宰相香油蠟燭捉錢官三十人

地震羌道

方輿紀要羌道城在階州北

恒山王不疑薨

史記於此云以其弟襄城侯山爲常山王更名義荀悅
漢紀亦有之然此傳寫禠落也

四年
幽之永巷

史記云幽殺之故下大臣但誅少帝及三弟

恒山王宏爲皇帝

史記云義爲帝更名宏以軹侯朝爲常山王

五年 淮陽王彊薨

史記云以弟壺關侯武爲淮陽王此紀不言其嗣立史記於七年云立皇子平昌侯太爲呂王更名呂曰濟川與周勃傳濟川淮陽恒山合之適爲三弟大抵此紀尤爲疎漏

六年 城長陵

長安志關中記曰長陵城有南北西三面東面無城陪葬者皆在東

攻阿陽

狄道今蘭州府之狄道州一統志阿陽故城在平涼府

靜甯州南

七年

宣夫人

荀悅紀作宣城夫人

八年

上將軍祿相國產頴兵秉政

按史記高后病甚乃令趙王呂祿爲上將軍軍北軍呂

王產居南軍其南北軍之名如此今此紀於上年云產

爲相國

史記七年產爲帝太傅遺詔以產爲相國在八年

祿爲上將軍其事已

舛錯且不著二人居南北軍張本則下文勃遂入北軍

然尙有南軍何所依邪周勃外戚兩傳皆與史記同明

此誤

爲劉氏左袒

齊策五王孫賈入市中曰淖齒殺閔王欲與我誅者袒
右鄉射禮注袒左免衣也疏云知袒左者凡事無問吉
凶皆袒左是以士喪主人左袒此及大射亦皆袒左惟
有受刑袒右故覲禮注右肉袒者刑宜施於右也

誦言誅之

史記作訟韋昭曰訟猶公淮南兵略有刑塲者天下訟

見之注訟公也

按說文訟爭也一曰歌訟徐鍇曰古本毛詩雅頌字多作訟

急入宮衛帝

恐呂產挾之而討勃也昭十年傳子良曰先得公陳鮑焉往

及三弟爲王者皆非孝惠子

史記徒濟川王王梁諸大臣相與陰謀曰少帝及梁淮陽常山王皆非眞孝惠子也云云此文繁而不可省使觀者易曉也此紀不著淮陽常山兩王相代之由至濟川緣起并不一見賴有史記參考耳

復其誅之

此在文帝入宮之後也詳玩史文取後宮美人子又云少帝自知非皇后子又云孝惠後宮子蓋存其疑信者

漢書疏證卷一
三
半而未敢斷以爲真呂氏子也諸大臣陰謀史記及周勃傳詳之然廢之是也殺之非也四人之中萬一有真孝惠子若何若劉盆子令衣食終身亦何傷乎

贊 衣食滋殖

此下疑有脫文以荀紀參之孝惠高后兩贊似皆全稱此紀贊語

漢書疏證卷一

浙江書局刊

張大昌校

馮一梅校

丁立誠校